

Qinersisinnaanerit attatiinnarusuppiuk?

Qinersisussat allassimaffianni ilanngunneqarit!



Nunatsinni qinersisinnaatitaaneq

Kalaallit Nunaanni qinersisinnaatitaassagaanni nunatsinni najugaqartariaqarputit, sivikinnerpaamillu qaammatini arfinilinni najugaqareersimassallutit. Inatsisartunut qinersinermi piumasaqaataavoq danskisut innuttaassuseqarnissat. Piffissami sivikikkaluartumilluunniit nunani allani tassa Kalaallit Nunaata avataani nunassikkuit qinersisinnaatitaanerit annaassavat, qinersisinnaatitaasullu allattorsimaffianiit peerneqarlutit.

Inuit aalajangersimasut qinersisinnaanertik pigiinnarsinnaavaat

Ilinniartut, napparsimasut, folketingimi ilaasortat, Namminersorlutik Oqartussat aallartitaat (inuillu taakkununga assersuunneqarsinnaasut), aappaat inooqataallu, inatsisartunut, kommunalbestyrelsinut, nunaqarfinni aqutsisunut aamma ilagiiit sinniisaannut qinersisinnaanertik tigummiinnarsinnaavaat. Piumasaqaataavoq Kalaallit Nunaata avataani najugaqarallartuunissaq sivikinnerpaamillu katillugit ukiuni marlunni ataavartumik Kalaallit Nunaanni najugaqareersimanissat. Aamma piumasaqaataavoq nammineerlutit Kalaallit Nunaanni kommunerisanni inuit allattorsimaffianut nalunaarsorsimaffigisimasami qinersisinnaasut allassimaffiannut nalunaarnissat

Qinnuteqaammut immersuiffissaq

Ilanngunneqartoq "Inuit Kalaallit Nunaata avataaniikkallartunut qinersisussat allassimaffiannut ilanngunneqarnissaminnik qinnuteqarfissaat" immersussavat. Immersugassiaq www.naalackersuisut.gl-imi aamma aaneqarsinnaavoq. Immersugassiaq Kalaallit Nunaanni kommunerisanni inuit allattorsimaffiannut kingullermik nalunaarneqarfigisimasannut nassiunneqassaaq.

Piffissaalluartillugu qinnuteqarit

Pingaarteqarpoq qinnuteqaatit piffissaagallartillugu nassiuissagit, taamaaliornikkut Qinersinermi Siulersuisut piffissaagallartillugu qinnuteqaatit suliarisinnaavaat, taamalu qinersisinnaasut allassimaffiannut ilanngunneqarsinnaassallutit. Qinersisinnaasut allassimaffiannut ilanngunneqarneq ukiuni marlunni atuuffeqartarpoq.

Qinersisoqarfiutinnagu qinersigit

Ulloq qinersiffusoq nallertinnagu qinersineq kommunalbestyrelsinut qinersinermi inatsimmi taaneqartarpoq allakkatigut qinersineq, kisianni Inatsisartunut qinersinermi inatsimmi taaneqartarluni siusinaartumik qinersineq. Tamani pisortat allaffeqarfiinut saaffiginnissaatit. Danmarkimi Savalimmiunilu ulloq qinersiffusoq nallertinnagu kommunip allaffianut saaffiginnissinnaavutit. Nunani allani qallunaat aallartitaqarfiini siusinaartumik qinersisinnaavutit. Pingaarteqarpoq piffissaagallartillugit qinersinissat, taamaalilluni tigussaasumik qinersinerit qinersiffik nallertinnagu apuussinnaaqullugu.



naalackersuisut.gl · Email: valg@nanoq.gl

Kommuninnut attaveqarneq

Maannakkut Danmarkimi najugaqaruit qinnuteqarniarlutillu Kalaallit Nunaata Sinniisoqarfiani Københavniimiittumi ikioqqusinnaavutit.

Adressia unaavoq:

Grønlands Repræsentation
Strandgade 91, 3. sal
1401 København K, Danmark
Tlf: +45 3283 3800
Fax: +45 3283 3801
Mail: journal@ghsdk.dk

Nunani allani najugaqaruit qallunaat ambassadeqarfianni aamma konsulateqarfianni ikioqarsinnaavutit.

Qinersisussat allassimaffiat alakkassallugu eqqaamajuk

Sapaatit akunneri pingasut qinersinissaq sioqqullugu qinersisussat allassimaffiat kommunimi aallarfigisanni ulluni marlunni tamanut alakkarneqarsinnaanngorlugu saqqumitinneqartarpoq. Qinersisussat allassimaffianni allassimamerlutit qulakkeernissaa akisussaaffigivat. Kommunimut sianerlutit imaluunniit allallutit tamanna paasiniarsinnaavat.

Qinersinermi Siulersuisunut maalaaruteqarneq

Qinersisussat allassimaffianni atit ilaangitsoq paasigukku allassimaffiup saqqummiunneraniit ullut suliffisut marluk qaangiutinnagit Qinersinermi Siulersuisunut maalaarutigisnaavaat. Allakkatigut maalaaruteqassaatit, sunalu maalaarutigalugu allassavat. Qinersisinnaatitaaguit Qinersinermi Siulersuisut tamassuminnga aaqqiisussaapput.

Qinersinermut Ataatsimiititaliamut maalaaruteqarneq

Qinersinermi Siulersuisut qinnuteqaatit itigartissimappassuk Qinersinermut Ataatsimiititaliamut maalaaruteqarsinnaavutit. Tamanna itigartinneqarnermiit sap. ak. marluk qaangiutinnagit pissaq, uunga: Qinersinermut Ataatsimiititaliaq Namminersorlutik Oqartussat Postboks 970 3900 Nuuk, Kalaallit Nunaat Tlf: +299 34 50 00 Mail: valg@nanoq.gl

Inatsisartunut qinersisarneq pillugu inatsit

Kalaallit Nunaanni Inatsisartunut qinersisarneq pillugu Inatsisartut inatsisaat nr. 14, 24. november 2020-imeersoq.

Kommunimut qinersisarneq pillugu inatsit

Kommunalbetyrelsinut, nunaqarfinni aqutsisunut ilagiillu sinniisaannut qinersisarneq pillugit Inatsisartut inatsisaat nr. 27, 28. november 2016-imeersoq

Nalornivit?

Apeqquutissaqaruit uunga saaffiginnissinnaavutit:

Nunamut namminermut immikkoortortaqqarfik Namminersorlutik Oqartussat Postboks 970 3900 Nuuk, Kalaallit Nunaat Tlf: +299 34 50 00 Mail: valg@nanoq.gl

